

Universitätsbibliothek Paderborn

**R. P. Ioannis Macherentini Societatis Iesv Theologi,
Explanatio Catechismi Catholici**

Macherentinus, Johannes

Colon., 1612

De matrimonij impedimentis.

urn:nbn:de:hbz:466:1-39397

ADMONITIO PRO PRIMA QV^A
dragesimæ Dominica.

Expedit ut pastores, concionatores, Ca-
techistæ in ipsa Dominica Inuocauit,
clarissimè plebi explicent, quæ superius di-
cta sunt de illis, qui communione corporis
Prax. 43.
C. 38 §. 6. Christi indigni sunt, vt norint omnes qua-
ratione se ad pascha celebrandum compara-
re debeant, ne cum damno & dedecore be-
neficio absolutionis, ac salutaris corporis
Christi viuifico cibo orbentur. Non ignorat
tamen Sacerdos propter occultum crimen
publicè Eucharistiam petenti non esse ne-
gandam, etiamsi confitentem absoluerentur
potuerit.

L I I I I.

DE IMPEDIMENTIS MA-
TRIMONII.

*Quæ sunt impedimenta, quæ si quis norit detegit
inbet Pastor, cum publicè pronunciat esse,
qui nuptiarum fœderatione
constituerint?*

Res hæc in primis cognitu necessaria, at-
que omnibus merito explicanda. Sunt
huiusmodi impedimenta in duplici genere.
Quæ-

Quædam enim cum inueniuntur, etiā quod contractum putabatur matrimoniu, prorsus rescindunt, faciuntque inane ac irritum esse. Quædam efficiunt, ut sine peccato non contrahatur: si tamen contractum fuerit, valet.

Quænam impedimenta contractum matrimonium dirimunt?

Commemorabo ea tantum quæ facile contingere possunt.

Votum castitatis solenne, quale Deo nuncupant, qui aut sacro ordine aliquo initiantur, aut in religione approbata professionem faciunt.

Cum itaque concubinam suam Presbyter aut Monachus in facie Ecclesiae ducit: manent post, uti ante æquè immo magis sacrilegi: eadem est ratio de monialibus inceste nubentibus, habentes damnationem, quia primam fidem irritam fecerunt.

Cognatio seu consanguinitas: nam qui intra quartum gradū sibi inuicem sanguine iunguntur, matrimonium inire non possunt: Est & quædam cognatio spiritualis in sacramentis Baptismo & confirmatione cōtracta, inter susceptores & susceptum, cuius parētes efficiuntur: & inter eosdam suscep-
tores & suscepti parentes, quibus compa-

R r tres

tres fiunt, quæ pari ratione, ut carnalis cog-
natio, ad matrimonium ineundum reddit
inhabiles.

Crimen cum videlicet coniugum alter
coniugem suum, operam suam dante ter-
tia aliqua persona, interimit, inter viduum
& homicidam non potest consistere matri-
monium: vel cum alter coniugum adul-
terat, & postea suum interficit coniugem, ho-
micina cum adultera vel adultero non po-
test contrahere: vel cum alter coniugum, no-
solum adulterat, sed etiam adultero vel a-
dulteræ matrimonium spondet, non poterit
id efficere etiam post obitum naturalem
coniugis.

Vis.

4. Habere coniugem.
5. Affinitas, quæ impedit usque ad quar-
tum gradum; Nascitur autem hæc non so-
lum ex legitimo seu matrimoniali congre-
su, verum etiam fornicatorio: monendi pro-
inde iuuenes lasciuientes, nedum seruiunt
suæ libidini, vna fortè venere sibi ipsis im-
pedimento sint, quo minus per nuptias in-
honostam ac diuitem familiam inscribi pos-
sint. Sciendum tamen beneficio concilij
Trid. affinitatem ex fornicatione ortam, no
matrimonium dissoluere.

Quod si legitimo matrimonio superue-
nerit

Verit affinitas, non equidē ipsa dirimet matrimonium, si quidem ad mortem durat, peccat tamen incestuosus ille nisi cum ea dispensatum fuerit, quotiescumque exigit debitum. Quocirca, quid illi sit faciēdum confessarium aut peritum aliquem consulat.

Quenam tantum impediunt contrahendum?

Interdictum Ecclesiae, tempus quo non celebrantur nuptiæ, votum simplex castitatis: sponsalia quibus quispiam alteri dedit fidem, vxoricidium vel mariticidium.

Quæ porrò de tribus proclamationibus, clandestinorum matrimoniiorum irritatione, & ne in eadem domo sponsi ante sacerdotalem benedictionem morentur, ante contractum diligenter de peccatis suis confiteantur & communicet, & nuptiarum solennitate, qua decet modestia & honestate celebrandis, & id genus alia ab Ecclesia utiliter sancita sunt, diligens, & animarum salutis sitiens Catechista, ex decretis sacrosancti concilij Tridentini declarare non omittat; ac præsertim illud omnibus interdictum, sub pena excommunicationis ipso facto incurriendæ, ne quamcumque personam inuitam rubore cogant. Graue enim peccatum, ac inultorum malorum scaturigo, libertatem matrimonij violare.

Rr 2 Præ-